

# Corporaziun Evangelica Zernez

## Radunanza generala da marcurdi, ils 27 dad avrigl 2022, a las 20:00h illa aula da la chasa da scoula a Zernez

Preschaints: 22 persunas cun dret da vuschar

S-chüsats: Christa Pinggera, Jack Pinggera, Manuela Bonifazi, Hilda Thom, Monica Conrad, Margaritta Filli, Brigitta Arquint, Ruduolf ed Erica Christoffel.

### Tractandas

1. Tscherna dals scrutinadurs
2. Protocol da la radunanza generala a Zernez dals 26 avrigl 2021
3. Rapport annual dal president 2021
4. Rendaquint 2021 e rapport dals revisurs da quint
5. Orientaziun da la separaziun dal ravarenda
6. Orientaziun trattativas chasa Pravenda Zernez
7. Preventiv 2023
8. Fixar il pè d'impostas da la baselgia per l'on 2023
9. Reelecziun dad duos commembras dal consistori Natalia Roner e Ottilia Godly  
Reelecziun dal president Hermann Thom
10. Orientaziun / Varia Davo la radunanza giordaina amo ün aperitiv da cumpagnia.

Bivgnaint dal president Hermann Thom a las votantas ed ils votants. El salüda eir a nos duos giasts da Cuaira ad Arno Felix chi'ns ha gnüda cul nouv program da contabilità e a Frank Schuler dal cussagl da baselgia chantunal chi'ns ha cusglià cul contrat da separaziun dal ravarenda.

Cuorta meditaziun da Hermann e davo da Steivan Gaudenz aint il tun e tuot ils preschaints da la sezzüda chantan insembel il coral nomer 12.

### 1. Tscherna dals scrutinadurs

Hermann propuona da tour sco scrutinadurs a Nuot Filli ed a Riet Felix els han tuots duos üna piazza cun buna survista sur da tuot ils votants.

### 2. Protocol da la radunanza generala a Zernez dals 26 mai 2021

Il protocol nu vain plü prelet el es stat exposé in differents löes ed eir sülla pagina dad internet da la corporaziun evangelica. Il protocol vain fat bun sco exposé sainza cuntravusch.

### 3. Rapport annual dal president 2020

La radunanza piglia cogniziun dal rapport dal president. Il president Hermann Thom prelegia seis rapport annual.

Rapport dal president da la raspada da Zernez pel 2021

*Charas preschaintas, chars preschaints*

*Nus vain be güsta discus – e fat bun, il protocol da la radunanza generala da l'on passa. Inse cumainza il rapport annual adüna là ingio chi ha gnü lö nos ultim inscunter. Eu vaiva in meis rapport annual da quella radunanza manzunà ch'eu speresch cha nos ravarenda e sia famiglia sajan buns da rivar ed as plachar adüna meglider pro nus e cha nus fetschan nos pussibel per cha els as chattan aint ed as chattan plan a plan eir da chasa qua in nossa raspada. Nus vaivan a la fin da la radunanza seguità a la preschantaziun da nos ravarenda che viadi ch'el ha l'intenziun dad organisar per nos confirmands.*

*Hoz savaina cha'l viadi da confirmands a Hamburg nun ha mai gnü lö e cha nus ans vain separats la fin da schner da noss ravarenda.*

*Im dischplascha propcha fich da stuvair rapportar sur d'ün on chi per mai sco president e per tuot il consistori nun es stat ün on agreabel. Per mai persunalmaing ün on, il qual ch'eu sun gnü al limit da mias forzas fina pro problems da la sandà. Quai in mincha cas per cuolpa tanter oter eir da quai chi'd es tuot capità in nossa raspada. Im dischplascha da stuvair dar ün sguard inavo sün diversas chosas chi nu fan be plaschair, ma da far straverer füss hoz sgüra foss e perquai as dscharaja uossa ün pa da quai chi oramai starà gnir dit:*

*Dürant il prüm on da servezzan da sar ravarenda Rainer Grabowski, dimena plü o main fin pro la radunanza generala da l'on passà, d'eira el gnü accumpagnà fich stret da mai sco president in sias lezchas. Nus vaivan trat las consequenzas dad imbüttamaints regard ravarenda Patrick Brand cha nus til vaivan büttà ill'aua fraida e laschà ch'el haja da's randschar. Cun ravarenda Rainer Grabowski n'haja lura gnü ün on a la lunga minch'eivna üna cuorta sezzüda per verer inavo sün l'eivna passada e planisar quella chi vain. Adonta da tschertas impreschiuns ed experienzas negativas da quel temp, vaivan avant ün on amo buna spranza cha tuot possa gnir bun. Pissers am faiva bain fingià quella vouta, perche fingià dürant il prüm on nu d'eira nos ravarenda mai rajiundschaibel cur cha inchün til vess dovrà e neir otras lezchas nu vaiva el accumplici, sco per exaimpel far visitas da chüra d'ormas e tour sü in cas da battaisems, nozzas e funarals las dattas per scriver aint il cudesch da baselgia.*

*Nus pensaivan però, chi sarà stat greiv da rivar qua dürant corona e nus speraivan cha scha tuot as normalisescha possa tuot amo as stordscher in üna buna direcziun. Però dal mumaint cha nus vain rafüdà da far sezzüdas minch'eivna ed el vess gnü da gnir a dumandar scha el nu savaiva alch, s'ha tuot stort in üna direcziun pac buna. Sper il fat ch'el nu dumandaiva, però neir nu faiva e chi d'eira bler d'improvisar, esa dvantà diffizil perche chi gnivan storts intuorn ils plets da nus aint in bocca ed i gniva talmaing provà da giovar oura ün consistorial cunter l'oter, cha nus vain stuvü decider da discuorrer be plü amo in duos cul ravarenda. Però quai e neir il fat ch'el giaiva fingià quella vouta dschond dal mal da la baselgia chantunala, da seis collegas illa regiun e natüralmaing eir dal consistori, nu d'eira il problem principal.*

*Il problem principal es propcha stat quel cha üna jada cha no nu planisaivan plü insembel micha fat chi capitaiva in nossa raspada, nun ha el plü accumplici adequatamaing sias incumbenzas. Il meglider d'eiran amo las predgias, almain per quels chi tillas dudivan, perche il rinforzamaint tecnic d'eira per el plüchöntschi ün impedimaint sco ün agüd. Inschinà d'eira*

uschè ch'el obain nu gniva davo a sias incumbenzas o sch'el d'eira là, lura fich mal preparà. Fich penibel d'eira ch'el durmiva a las radunanzas regiunalas, ma per exaimpel eir ch'el nun es stat bun d'as coordinar cun confirmandas e confirmands per organisar ün viadi. El nun es simplamaing na gnü al viadi pels attempats, nun es simplamaing na gnü a la tschaina pels agüdants e collavurats e nun es gnü neir al viadi da confirmands. S-chüsas ha el bain adüna gnü, ma da quellas chi as cuntradivan s'vess e nu giaivan sü.

No vaivan da star a verer pro co cha la chüra d'ormas simplamaing nu gniva fatta, pro micha funeral d'eira da s'agitar pervia cha in chasa pravenda nu gniva ni tut giò il telefon, ni divri la porta. Genituors da confirmands e preparands han reclomà sainza success e s'han vouts a la fin pro baselgia chantunala pervia dad uras da religiun e da confirmands.

Pro las uras esa amo da dir cha adüna inavant surgniva l'ultim mumaint la nouva cha el nu po ir in scoula, obain causa cha el es güsta amalà, obain causa oters termins e lura pudaiva cuorrer s'vess. Adüna uschè a cuorta vista cha minchatant natüralmaing neir nu vaiva temp per am preparar. Plü tard suna gnü a savair ch'el ha mancà da las uras da religiun in scoula per ir a la conferenza pastorala, ma a quella neir nun d'eira'l stat - o lura as vegna a savair cha da trais voutas ch'el vess gnü da far predgia illas chasa da chüra a Scuol ha'l duos voutas manchantà il termin.

Scha quai ch'eu n'ha dit fin qua para bler, stöglia dir quai es in cas be il plü gröss da quai cha no vain gnü da supportar quist on da ravarenda Rainer Grabowski. No vain plü o main oter co güsta pro'l far las predgias, gnü da far s'vess la lavur ed el ha survgni la paja. Eu staiva adüna sco sün spinas a spettar sül prossem evenimaint, ingio ch'eu vaiva dad ir a stüder ün fö causa chi nu funcziunaiva. Lura vaivan mincha mais sezzüdas ingio chi s'ha provà a discuorrer cun el. Nus vain admoni, dat schanzas discus e darcheu admoni. Tuot nun ha manà nöglia, insè vessan pudü spargnar las discussiuns. El nempe nu driviva la bocca, quai faiva'l lura in oters lös cun dir dal mal da no. Davo ün pêr ultimatus vaina a la fin in november cun agüd da la baselgia chantunala preschantà a ravarenda Grabowski üna cunvegna da separaziun.

I nun es cun quai in cas stat fini culs disgusts e ün deport permanentamaing impertinent ed arrogant - quai düra fin hoz, ma i sun almain qua vistas cha quai piglia ünsacura üna fin.

Eu per mai persunalmaing n'ha gnü da decider da renunzchar sül seguond presidi ch'eu vaiva, quel da l'Uniun dals Grischs, perche eu n'ha l'intenziun da m'ingaschar per cha'l don cha nossa raspada ha subi tras quist intermezzo cun sar Grabowski as tegna in frain e po gnir recuperà – natüralmaing be scha vus sco radunanza dais hoz a mai la fiduzcha sco president.

Mincha medaglia ha duos varts. Eu n'ha adonta da tuot ils dischgusts uossa nomnats, gnü eir divers plaschairs sco president da quista raspada.

Las difficultats han pisserà cha'l consistori ha imprais adüna plü ferm a collavurar bain insembel. E scha tuot in nossa raspada nun ha fat l'apparentscha cha tuot va suotsura, schi pudaina sgüra ingrazchar eir a mias collegas da consistori per lur lavur.

Il sustegn da la baselgia chantunala, da l'intera regiun da baselgia, ma concretamaing surtuot il sustegn dad Annette Jungen, da Magnus Schleich, dad Anna Kirchen e Silvia Schlegel, dal manader da scoula e da la magistraglia, da Fadri Häfner e da duonna Elisabeth Zollinger da Lavin chi'd es ida cun mai in viadi culs confirmands e ha güdà pro la fin d'eivna culs preparands, adüna sainza ravarenda. Il sustegn es stat da na crajer grond.

La cumünanza al di da schoppa, al viadi d'attempats, ma eir la lavur culs giuvenils ed il sustegn da lur genituors ha fat fich plaschair. Id es stat bel per mai bel adonta da blera lavur da pudair dar l'ultim temp uras da preparands - e grazcha a Silvia Schlegel ed Annette

*Jungen vaina listess amo pudü spordscher als 10 avrigl a nossas confirmandas ed a nos confirmands üna confirmaziun inandret.*

*Dafatta las bleras reclamaziuns ch'eu n'ha gnü da tour incunter da persunas da nossa raspada dischillusas causa il ravarenda, s'han a la fin svilupadas a bels inscunters früttaivels.*

*Perque daja eir quist on avuonda motivs per ingrazchar. Saja que a las commembras ed ils commembers da nossa raspada. Grazcha per l'incletta eir scha minchatant m'hana raggiunt in mumaints ch'eu d'eira magara al limit culla nerva.*

*Grazcha fichun surtuot a tuottas e tuot quels chi s'han ingaschats cun mai per nossa raspada e nossa cumünanza e per cha tuot ha listess amo funcziunà tant inavant. Surtuot eir Annette, Magnus, Fadri, Anna, Silvia e tuot ils oters.*

*Grazcha eir a tuot las impiegadas ed impiegats pro nossa raspada chi muossan adüna bler ingaschamaint e quist on hana salvà bleras situaziuns e fat eir els lavur implü.*

*Grazcha a tuot quels chi güdan adüna pro a la reuschida da tuot quai cha no organisain saja quai cun far schoppa o cun güdar qua o là spontanamaing per chi funcziuna.*

*Grazcha fich a meis consistori! Sainza vos sustegn nu vessa crai tgnü oura quist on.*

*Dimena grazcha a tuottas e tuots per la cumünanza per inscunters e per l'incletta.*

*E uossa avant sco finir amo per tuot quels chi spettaivan meis pled per surgnir infuormaziuns cura cha no vain a la fin darcheu ün ravarenda a Zernez. – No vain decis chi'd es meglder da spettar fin chi vegn alch inandret. Quel sbagl vain fat üna jada da tour ün causa cha oters nu s'han annunzchats.*

*Forsa ha meis rapport dürà hoz ün pa lönch, perque am lessa s-chüsar.*

*Vos president, Hermann Thom*

Tuot la radunanza splattà e as ingrazchà cun quai pro Hermann.

#### **4. Rendaquint 2021 e rapport dals revisurs da quint**

Hermann da il pled a Arno Felix el preschainta il quint da gestiun ed il bilantsch per l'on 2021 e declera divers detagls. Il quint da gestiun da la raspada serra da nouv cun üna perdita da 177'397 CHF. Arno declera il motiv da la perdita, quai ha amo adüna da chefar cul müdamaint dal pajar impostas, fina avant ün on gnivan pajadas las impostas a no dal cumün directamaing nouv vegnan pajadas a no las impostas be da quels commember chi han fingià pajà aint lur quints dad impostas e il rest segua cur chal' s quints sun pajats.

La facultà nouva da la raspada as summa per la fin da l'on 2021 a 894'962 CHF inclusiv contos specials.

Hermann as ingrazcha pro Arno e tuot seis sustegn cha el ans ha dat e ans da cun tuot quist müdamaints novs illa contabilità.

Arno dumonda scha inchün ha amo dumondas? Quai nun es il cas.

Hermann da il pled als revisurs da quint.

La revisura Esther Christoffel legia avant il rapport dals revisurs da quint. Seis collega Riet Felix es eir preschaint be la collega Manuela Bonifazi as ha s-chüsada

per la radunanza. I' rapport es scrit cha tuot es in bun uorden e manà tenor las pretaisas. Ils revisurs da quint propuonan dad approvar il quint e da dar dis-charg als organs respunsabels. La radunanza segua a quella proposta sainza cuntravusch.

## **5. Orientaziun da la separaziun dal ravarenda**

Hermann declera amo la cunvegna cha no vain fat giò cul ravarenda Rainer Grabowski e tilla prelegia.

Cur cha no vain bada vers l'utuon passà chi nu va simplamaing na plü inavant uschè vaina decis cha no til vain da dir quai uschè illa sezzüda. No vain lura dit a Rainer cha scha el fa inavant uschè schi cha no ans separain dad el e til dain la desditta. El es lura i in vacanzas ün eivna avant sco chi d'eira vairamaing previs. Davo sias vacanzas cha el es statt a Malorca d'eira lura güsta planisà il viadi culs confirmands a Firenze, no vain decis in consistori cha scha el lascha darcheu crodar ün viadi e nun accumpogna quista vouta ils confirmands cha lura esa ura da til spedir. El nun es i il viadi el ha a cuorta vista darcheu sdit giò, tuot illa not avant causa mal il vainter sco fingià pro otras occasiuns.

Dürant quel temp cha el es statt in vacanzas ans vain no intant infuormats sco e che cha no vain da far per til dar la desditta. Agüd e sustegn vaina survgni da la baselgia chantunala. La ans es statt adüna a disposiziun cun seis cussagls Sar Frank Schuler. El ans ha lura declerà cha l'unic per gnir our dad alch uschè tant inavant bain, saja da far giò üna cunvegna da separaziun. Cun seis agüd vaina lura miss sü üna tala cunvegna.

Hermann prelegia la cunvegna e tilla metta ingrondi sülla taila.

Hermann dumonda a Frank Schuler scha el possa far il bain e declerar a la radunanza amo ün pa sco cha quai funcziuna cun uschè üna cunvegna.

Frank Schuler salüda la radunanza e as preschainta el manzunna cha el stetta a disposiziun eir amo a blers cumüns in uschè situaziuns greivas e cha el haja fat bleras experienzas bunas cun cunvegna. El disch cha üna cunvegna sia in mincha cas adüna megllder sco üna desditta e quai per tuottas duos partidas. Implü manzuna el cha üna tala cunvegna e seis cuntgnü saja in mincha cas tenor ledscha da la baselgia chantunala illa cumpetenzza dal consistori.

Hermann dumonda scha qualchün ha amo üna dumonda? O scha inchün sia dad oter avis?

Scha quai nun es il cas schi grazcha fichun a Frank Schuler per tuot.

## **6. Orientaziun trattativas chasa Pravenda Zernez**

Hermann declera ils detagls dal possess da Lavin da l'abitaziun da pravenda e las differentas parcellas da prada, la valur da la chasa da pravenda a Zernez e cha no vessan da pajar amo bundant 300'000 CHF lasura per cha ella füss nossa. No sco consistori eschan dal avis cha quai sia la meglldra soluziun. No vain uossa amo da spettar sülla decisiun dal cumün politic la nun eschan amo rivats inavant. Avant duos mais ha però il president scadent, Emil Müller, signalisà invers Hermann Thom cha el füss cuntaint da metter in trais-cha la chosa, avant cha el haja fini seis presidi pro no

a Zernez. Hermann ha lura dat amo na jada tuot la documainta ad Emil e uossa esa da spettar giò la decisiun dal cumün politic.

No eschan per intant rivats uschè inavant cha no sco eir il cumün da vaschins vain dad ir davant radunanza culla dumonda. Il cumün politic nu vess tenor constituziun dad ir davant radunanza, ma els stübgian schi nu voutan listess ir.

Sco orientaziun no vain surdat avant ün per dis la clav da la chasa pravenda a duos duonnas dal Ucraina, chi sun fùgidas da la guerra. Üna duonna d'eira manadra dad ün parc da Natüra ill'Ucraina e ha fingià daspö ün per ons collavurà cul Parc Naziunal Svizzer, quels tilla han sport agüd per gnir in Svizra. Uschè cha ella es lura fùgida cun sia mamma e seis duos chans in Svizzra e no vain miss a disposiziun la chasa pravenda, fina chal Parc Naziunal ha üna soluziun per star per els. Per la fin d'avuost 2022 saran ellas darcheu oura e la chasa pravenda rumida e pulida, da maniera cha schi vain ün ravarenda es quella darcheu pronta.

No vain survgni duos annunzchas per la piazza vacanta dal ravarenda, üna persuna ha la baselgia chantunala scusglià da tour e pro la seguonda annunzcha, quel ravarenda ha d'ürant seis temp sco ravarenda, adüna müdà mincha on e mez fin duos ons seis lö da lavur. Da quels experimaints nu laivan darcheu far.

## **7. Preventiv 2023**

La suprastanza preschainta il preventiv per l'on 2023 sco referenza es gnü tuot il quint da l'on 2021 chi'd es il prüm on contabilisà cul sistem HRM2. Il preventiv per l'on 2023 vegn approvà unanim.

## **8. Fixar il pè d'impostas da la baselgia per l'on 2023**

La proposta dal consistori es quella da laschar il pè d' imposta sco fin qua, pro 18.5% da l'imposta simpla dal chantun Grischun. Quel as metta insembel da 15% imposta da baselgia per la raspada e 3.5% imposta per l' egualisaziun chantunala. La proposta vain approvada da la radunanza cun unanimità da vuschs.

## **7. Tschernas:**

### **Reelecziun dal president Hermann Thom**

El es gnü elet avant trais ons sco president e sto uossa gnir reelet per üna ulteriura perioda d'uffizi. Sco ch'el ha manzunà fingià in seis pled presidial, es el pront d'as laschar reelegger. Davo cha our da la radunanza nu sun gnüdas augmantadas las propostas, es gnüda fatta la proposta da far üna votaziun averta. Hermann Thom es gnü reelet sco president sainza cuntravusch.

### **Reelecziun da las commembras dal consistori Otilia Godly e Natalia Roner**

Eir ellas as mettan a disposiziun per üna reelecziun ed eir qua nu daja ingünas propostas implü, uschè chi vain darcheu proponü e decis da la radunanza dad elegger in globo ed in votaziun averta. Eir ellas sun gnüdas reelettas cun tuot las vuschs.

## **9. Orientaziuns e Varia**

Hermann Thom orientescha sur da la sinoda da missiun chi varà lö quist on ün'eivna davo Tschinquaisma a Tavo. Dal rest nun esa gnü fat adöver da la tractanda varia

uschè cha Steivan Gaudenz ha pudü intunar la chanzun finala tradiziunala da nossas radunanzas, nempe il coral «La glüna es alvada...».

La sezzüda ha pudü gnir serrada las 21:35h

Davo han ils preschaints pudü star amo da cumpagnia pro ün aperò.

In buna fai, l'actuara Flurina Walter.